

JAVNA USTANOVA PSIHIJATRIJSKA BOLNICA KANTONA SARAJEVO

POSLOVNIK

o radu Komisije za provođenje javnog oglasa za izbor i imenovanje direktora
Javne Ustanove Psihijatrijska bolnica Kantona Sarajevo objavljenog u
Službenim novinama Federacije BiH dana 12.08.2022.godine

Sarajevo, august 2022. godine

Na osnovu člana 66, Zakona o zdravstvenoj zaštiti (Službene novine Federacije BiH, broj 46/10 i 75/13), a u vezi sa članom 28 Statuta JU Psihijatrijska bolnica Kantona Sarajevo i Statuta o izmjeni i dopunama statuta JU Psihijatrijska bolnica Kantona Sarajevo, ("Službene novine Kantona Sarajevo" br. 28/22), Odluke Upravnog odbora JU Psihijatrijska bolnica Kantona Sarajevo od 19.07.2022 godine o raspisivanju Javnog oglasa za izbor i imenovanje direktora JU Psihijatrijska bolnica Kantona Sarajevo i Odluke o imenovanju Komisije za izbor i imenovanje direktora JU Psihijatrijska bolnica Kantona Sarajevo broj 02.4.-2442-1/22 od 21.07.2022, Komisija donosi

POSLOVNIK O RADU

Komisije za izbor i imenovanje direktora JU Psihijatrijska bolnica Kantona Sarajevo

I OPCE ODREDBE

Član 1 (Predmet)

Poslovnikom o radu komisije za provođenje postupka izbora kandidata za direktora JU Psihijatrijska bolnica Kantona Sarajevo (u daljem tekstu: Poslovnik) utvrđuju se osnovna načela rada Komisije za izbor kandidata direktora (u daljem tekstu Komisija), način izvršavanja zadataka Komisije, način bodovanja kandidata i obavljanja usmenog razgovora u svrhu uvida u motiviranost kandidata za rukovođenje Psihijatrijskom bolnicom i druga pitanja od značaja za rad Komisije.

Član 2. (Načela)

(1) Rad Komisije se zasniva na načelima zakonitosti, javnosti, nezavisnosti, nepristrasnosti i efikasnosti.

Član 3. (Način prijavljivanja na Javni oglas)

(1) Prijava na Javni oglas sa dokazima o ispunjavanju uvjeta se dostavlja u zatvorenoj koverti na adresu JU Psihijatrijska bolnica KS Nahorevska br 248, 7100 Sarajevo

„PRIJAVA NA JAVNI OGLAS ZA IZBOR I IMENOVANJE DIREKTORA
JU PSIHIJATRIJSKA BOLNICA KANTONA SARAJEVO – KOMISIJA ZA
IZBOR I IMENOVANJE DIREKTORA - NE OTVARATI”

Član 4.
(Sastav Komisije)

- (1) Za provođenje procedure izbora kandidata za direktora Javne ustanove Psihijatrijska bolnica Kantona Sarajevo, Upravni odbor imenuje Komisiju.
- (2) Komisija se sastoji od tri člana.
- (3) Upravni odbor imenuje sekretara Komisije koji obavlja sve administrativno tehničke poslove za Komisiju i nema pravo glasa.

Član 5.
(Način rada Komisije)

- (1) Komisija obezbjeđuje poštivanje odredaba Zakona o zdravstvenoj zaštiti ("Službene novine Federacije BiH, broj 46/10 i 75/13), Uredbe sa zakonskom snagom o ustanovama („Službeni glasnik R BiH 6/92, 8/93 i 13/94), Pravilnika o uslovima u pogledu vrste završenog fakulteta zdravstvenog usmjerenja koje moraju ispuniti osobe koje konkuriraju za direktora zdravstvene ustanove (Službene novine Federacije BiH" broj: 77/17) i Odluke o preuzimanju prava i obaveza osnivača i usklađivanja organizacije i poslovanja Javne ustanove Psihijatrijska bolnica („Službene novine Kantona Sarajevo" broj 7/12, 7/17)
- (2) Svi članovi Komisije su dužni aktivno učestvovati u radu Komisije.
- (3) O svom radu Komisija vodi zapisnik koji je sastavni dio dokumentacije Komisije, a zapisnik obavezno potpisuje svi članovi i sekretar Komisije.
- (4) Sekretar Komisije nema pravo glasa, već za potrebe Komisije vodi zapisnike i obavlja druge administrativno- tehničke poslove.

Član 6.
(Izuzete članova Komisije)

- (1) Član Komisije će odmah ili najkasnije u roku od dva dana od dana saznanja za razloge izuzeća zatražiti izuzeće u Komisiji, ukoliko je srodnik nekog od prijavljenih kandidata u pravoj ili pobočnoj liniji do četvrtog stepena i u tazbinskoj liniji do drugog stepena.
- (2) O zahtjevu za izuzeće iz stava 1. ovog člana, Upravni odbor donosi odluku najkasnije u roku od tri dana od dana podnošenja zahtjeva, a protiv ove odluke žalba nije dopuštena.
- (3) U slučaju da član Komisije iz opravdanih razloga (bolest ili slično) ne može nastaviti dalji rad u Komisiji, odlukom Upravnog odbora vrši se popunjavanje Komisije novim, zamjenskim članom.
- (4) Aktivnosti Komisije će biti nastavljene po imenovanju novog člana Komisije.

Član 7.

(Postupanje po pristiglim prijavama)

- (1) Komisija pregleda sve pristigle prijave i dostavljene dokaze kandidata nakon isteka roka za podnošenje prijave na Javni oglas.
- (2) Nakon što je utvrđena urednost i blagovremenost prijave, Komisija u pravilu otvara i razmatra pristigle prijave kandidata među kojima će provesti izborni postupak.
- (3) Nakon otvaranja pristiglih prijava, Komisija bodovanjem utvrđuje redoslijed kandidata.
- (4) Neuredne, nepotpune i neblagovremene prijave, Komisija će zapisnički konstatovati.
- (5) Komisija je obavezna bodovati, pozvati i obaviti razgovor sa svim prijavljenim kandidatima.
- (6) Komisija će o vremenu i mjestu održavanja intervjua obavijestiti kandidate telefonskim i elektronskim putem.
- (7) Komisija će u pismenoj formi obavijestiti kandidate čija je prijava neblagovremena.
- (8) Ukoliko se u ponovnom pregledu i preispitivanju formalno pravne ispravnosti pristigle prijave i priložene dokumentacije utvrdi da je prijava kandidata formalno — pravno ispravna, ista će se uvrstiti u daljni proces izbora.

Član 8.

(Način utvrđivanja redoslijeda kandidata)

- (1) Nakon otvaranja pristiglih prijava, Komisija će pristupiti utvrđivanju redoslijeda kandidata.
- (2) Kriteriji za utvrđivanje redoslijeda kandidata su:
 - a) Opći uvjeti iz Javnog oglasa (kandidat je dužan ispuniti sve navedene opće uvjete)
 - b) Posebni uvjeti iz Javnog oglasa :
 - U okviru posebnih uvjeta će biti bodovani :
 - program rada i razvoja Psihijatrijske bolnice u stručnom i ekonomsko finansijskom smislu za mandatni period (1-10 bodova)
 - komunikacijske i organizacione sposobnosti za timski rad (1-5 bodova)
- Ostale navedene posebne uvjete kandidat je dužan ispuniti , te shodno tome isti neće biti bodovani
- c) Svaki član Komisije dodjeljuje kandidatu od 1-15 bodova, a zbirna ocjena se upisuje u bodovnu listu kandidata.

d) Intervju (kandidat može ostvariti od 1 do 10 bodova). Nakon završenog intervjua svaki član Komisije, bez prisustva kandidata, dodjeljuje kandidatu 1—10 bodova, a zbirna ocjena se upisuje u bodovnu listu kandidata.

e) Ukupan zbir bodova koje može ostvariti jedan kandidat je 75.

Član 9.

(Način obavljanja intervjua)

(1) Komisija nakon utvrđivanja redoslijeda kandidata na osnovu provedenog bodovanja, telefonskim i elektronskim putem obavještava kandidate o datumu, mjestu i vremenu održavanja intervjua, što evidentira u zapisniku Komisije.

(2) Komisija obavlja intervju sa kandidatom koji je u izbornom postupku.

(2) Intervju sa kandidatom se provodi po principu postavljanja pitanja na osnovu podataka dobijenih iz prijave kandidata, biografije, zvanja i radnog mjesta, a sve u cilju sticanja uvida u motivaciju kandidata za rukovođenje Bolnicom.

(3) Nakon završenog intervjua svaki član Komisije, bez prisustva kandidata, dodjeljuje kandidatu 1—10 bodova, a zbirna ocjena se upisuje u bodovnu listu kandidata.

(4) Rezultat intervjua će biti zbir bodova koji su dali svi članovi Komisije i može iznositi maksimalno do 30 bodova.

Član 10.

(Lista uspješnih kandidata)

(1) Komisija na osnovu bodovanja i provedenog intervjua sačinjava rang listu uspješnih kandidata

(2) Komisija podnosi Upravnom odboru JU Psihijatrijska bolnica KS cjeloviti Izvještaj o svom radu, rang listu sa bodovima i prijedlogom kandidata na daljnje postupanje.

Član 11.

(Obavještenje kandidatima i pravo prigovora)

(1) Saglasno članu 28. Statuta JU Psihijatrijska bolnica Kantona Sarajevo o odluci o imenovanju direktora svi učesnici u Javnom oglasu obavještavaju se najkasnije u roku od 8 (osam) dana od dana donošenja odluke.

(2) Svaki učesnik u javnom oglasu, u roku od 8 (osam) dana od dana prijema obavještenja, može protiv odluke o imenovanju direktora podnijeti prijedlog za pokretanje postupka pred nadležnim sudom.

III PRELAZNE I ZAVRŠNE ODREDBE

Član 13. (Dostava Poslovnika)

- (1) Poslovnik o radu Komisije dostavlja se Upravnom odboru uz Izvjestaj o radu Komisije.

Član 14. (Stupanje na snagu)

- (1) Ovaj Poslovnik stupa na snagu danom donošenja od strane Komisije.

Predsjednik Komisije
Dr Šejla Šarkić- Bedek
specijalista psihijatrije

Član
Dr Ana Kapor, specijalista psihijatrije

Član
Nermin Mujezinovic, dipl.med.teh.

Sekretar komisije
Demirović Smail, dipl.iur

Broj 02.13-2701
Sarajevo, 16.08.2022. god.